


**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XXXVI Blg. 23
Disyembre 7, 2005
www.philippinerevolution.org

Editoryal

Labanan ang walang lubay na pandarahas ng rehimeng Arroyo



Walang lubay ang pandarahas ng pasistang halimaw na si Gloria Arroyo. Sa dami, dalas at brutalidad ng mga pamamaslang sa mga lider at myembro ng mga progresibong organisasyon

at sa lawak at tindi ng paglapastangan sa karapatang-tao ng ordinaryong mamamayan, pinairal niya ang lagim ng di deklaradong batas militar. Sinusupil ang anumang pagtutol sa kanyang paghahari, at anumang paggigiit ng karapatan sa harap ng mapaniil na mga patakaran ay nilulupig ng kamay na bakal.

Mistulang buhay ang kinamumuhing pasistang diktador na si Marcos sa katauhan ni Arroyo. Kung tutuusin, halos nahigitan na ng huwad na presidente ang yumaong diktador sa kalupitan.

Sa ilalim ng diktadurang Marcos, napuno ang mga piitan ng libu-libong bilanggong pulitikal. Sa ilalim ng rehimeng Arroyo, marami pa rin ang ikinukulong, subalit mas marami ang walang-habas na pinapaslang.

Tila "huwag kumuha ng bihag!" ang patakaran ni Arroyo sa paglipol sa itinuturing niyang mga "kaaway." Pinataakbo ng AFP ang mga *death squad* sa iba't ibang panig ng bansa at kinakasangkapan ang mga ito sa kampanya ng pampulitikang asasinasyon.

Ang mga pamamaslang at panggigipit sa mga sibilyan ay karaniwang ganti ng AFP at PNP sa mga pinsalang natatamo nila sa kamay ng BHB at sa kabiguan nilang magapi ang hukbong bayan. Sa sobrang kahihiyan at kainutilan, itinutuon ng AFP at

Mga tampok sa isyung ito...

Ulat hinggil sa paglabag sa karapatang-tao
PAHINA 3

Mga labanan sa Quezon
PAHINA 7

Ang paggamit ng land mine ng hukbong bayan
PAHINA 11

PNP ang kanilang mga baril at kanyon sa mga di armadong sibil-yan.

Dalawang araw matapos magtamo ang AFP ng malaking kaswal- ti sa Calinog, Iloilo noong Nob- yembre 19, walang awang pinag- papapatay ng mga elemento ng 19th IB ang 10 magsasaka sa San Agustin, Palo, Leyte. Matapos ding magtamo ang PNP ng mga kaswalti sa pananambang ng BHB sa Tiaong, Quezon noong Nobyembre 19, binomba ng mga eroplano at inistraping ng militar ang mga komunidad sa Tiaong at mga karatig-bayan, at ilang residente na ang dinukot at pinaslang.

Umaabot na sa 10,000 katao sa Quezon ang sapilitang pinalikas o kaya'y napwersang lumisan dahil sa bangis ng operasyong militar. Bukod pa rito ang 7,000 pamilya sa Aurora, Leyte at Sulu na napili- tang magbakwit dahil sa panana- lanta ng AFP.


Nitong nakaraang linggo la- mang, dalawa pang tagapagtagu- yod ng karapatang-tao ang brutal na pinaslang sa Ilocos Sur at Abra. Sila ang ika-11 at ika-12 myembro ng mga progresibong organisasyon na biktima ng pamamaslang mula

lamang sa katapusan ng Setyembre hanggang katapusan ng Nob- yembre.

Lahat ng mga biktima ay mga di armadong sibil- yang pinagba- ligan ng ga- lit ng mga pwersang militar at pasis- tang amo nito dahil sa pan- gunguna ng mga progresi- bo sa pagla- lantad at paglaban sa rehimeng Ar- royo.

Mula nang maupo si Arro- yo noong Enero 2001, mahigit nang 260,000 indibidwal ang nag- ing biktima ng mga paglabag sa karapatang-tao. Habang tumatagal siyang nakakapit sa poder, at lumalakas at lumalawak ang sigaw para sa pagwawakas ng kanyang paghahari, lalong nagiging despe- rado at malupit si Arroyo.

Tanda ito ng lubhang pagkaka-



hiwalay ni Arroyo at ng AFP sa mamamayan at kawalan nila ng suportang masa. Dahil sa pagi- ging papet, bulok at pasista, bigo ang AFP at rehimeng Arro- yo na kabigin ang isip at damdamin ng mamamayan. Sila'y labis na kinamumuhian. Sa kabilang banda, patuloy na lumalawak at lumalalim ang suporta ng mamamayan sa rebolusyo- naryong kilusan.

Subalit ang walang pa- kundangang terorismo ng rehimeng Arroyo at ng arma- dong haligi nito ang mis- mong nagmumulat sa mamamayan sa riyali- dad ng pasismo. Ito mismo ang nagpapa-

alab sa kanilang galit at nagpa- pasidhi sa kanilang pagkamuhi sa berdugong militar at sa reaksyu- naryong amo nito. Isa ito sa mga pangunahing dahilan kung bakit mahigpit na hinahangad ng higit na nakararaming mamamayan na mapatalsik na ang bulok, malupit at di lehitimong papet na rehimen.

Ito rin ang nagtutulak sa dumaraming mamamayan na luma- ban, yakapin ang BHB bilang sarili nilang hukbo at tahakin ang lan- das ng rebolusyonaryong pagbaba- go.

Lalong dumarami ang gustong sumapi at magbigay ng suporta sa BHB at sa pagsusulong ng arma- dong rebolusyon. Sa paglulunsad ng mas marami, mas malalaki at mas madadalas na mga taktikal na opensiba, mariing mabibigwasan ang mga armadong galamay ng re- aksyunaryong estado. Makapag- aambag ang BHB sa mabilis na pagbabagsak ng kinamumuhang rehimeng Arroyo at maitutulak ang digmang bayan tungo sa susunod na mas mataas na subyugto ng estratehikong dependsiba. **AB**



Taon XXXVI Blg. 23 Disyembre 7, 2005

Ang *Ang Bayan* ay inilalabas sa wikang Pilipino, Bisaya, Iloko, Hili- gaynon, Waray at Ingles.

Maaari itong i-download mula sa Philippine Revolution Web Central na matatagpuan sa:

www.philippinerevolution.org

Tumatanggap ang *Ang Bayan* ng mga kontribusyon sa anyo ng mga artikulo at balita. Hinihikayat din ang mga mambabasa na magpaabot ng mga puna at rekomendasyon sa ikau- unlad ng ating pahayagan. Maaabot kami sa pamamagitan ng email sa: angbayan@yahoo.com

Nilalaman

Editorial	1
Pananalanta ng estado	
Ulat hinggil sa paglabag sa karapa- tang-tao para sa 2005	3
Masaker sa Palo	5
Militarisasyon sa Baybay, Leyte	6
Mga taktikal na opensiba	
Compostela, Kalinga at CamSur	6
Mga labanan sa Quezon	7
Ang pagbitag ng "Hunter-Killer"	8
Suntok kay Buan	9
Nagluluhang-buwaya ang AFP	10
Paggamit ng BHB ng <i>land mines</i>	11
Pagbabalik ni Garci	12
Abono sa kampanya ni Arroyo	13
Balita	14

Ang *Ang Bayan* ay inilalathala dalawang beses bawat buwan ng Komite Sentral ng Partido Komunista ng Pilipinas



Ulat hinggil sa paglabag sa karapatang-tao para sa 2005

Pinakamatindi pagkatapos ng batas militar

Lalupang tumindi at bumangis ang rehimeng US-Arroyo sa pagyurak sa mga karapatang-tao ng mamamayan ngayong 2005. Mas malawak na pinsala ang idinulot ng pasistang pangil ni Arroyo sa harap ng walang humpay na panawagan para patalsikin siya sa poder, at matinding krisis pampolitika at pang-ekonomya na bumabayo sa kanyang paghahari.

Pinatindi pa ng rehimeng Arroyo ngayong 2005 ang pambansang kampanya ng pagpatay sa mga lider, aktibista at tagasuporta ng mga progresibong organisasyon at partido pulitikal. Planado, sistematiko at magkakaugnay ang mga pagpaslang sa desperasyong durugin ang progresibong kilusang masa. Pinatindi ang militarisasyon sa kanayunan. Sa mga lunsod, kasabay ng tuluy-tuloy na pagsisiningaling at pagtatakip sa mga kasalanan ni Arroyo, walang preno ang paggamit ng lahat ng mga kasangkapan ng estado at militar para busalan at atakehin ang kilusang anti-Arroyo.

Ayon sa ulat ng KARAPATAN, nagkaroon ng 874 na kaso ng paglabag sa karapatang-tao na bumiktima ng 99,011 indibidwal at 14,302 pamilya sa 288 komunidad mula Enero hanggang Nobyembre 30. Ang 2005 ang pinakamatinding taon sa paglabag sa karapatang-tao ng mamamayan pagkatapos ng batas militar.

Pagdukot, pagpaslang, masaker. Umabot sa 149 na indibidwal ang pinatay ng rehimeng Arroyo sa unang 11 buwan ng 2005. Mahigit doble ang pagdami ng mga kasong ito kumpara sa 63 kaso na naitala noong 2004. Ang 82 sa 149

na biktima ay pawang mga lider at aktibista ng hayag na demokrati-kong kilusang masa. Ang 67 ay pinagsuspetsahan lamang ng militar na sumusuporta, kaibigan o kamag-anak ng mga Pulang mandirigma o ng mga armadong Moro.

Malawak ang tinatarget ng mga pagpatay ng rehimeng Arroyo—mga lider at kasapi ng mga progresibong partido at organisasyon, mga tagapagtanggol ng karapatang-tao, abugado, mamamahayag, lider-simbahan, lokal na upisyal ng gubyrno, lider at organisador sa mga komunidad, magsasaka at manggagawa. Sa mga pinatay, 28 ay mga lider o kasapi ng Bayan Muna, 14 ang mula sa Anakpawis at walo ang mula sa KARAPATAN. Bukod pa sa mga bilang na ito ang 10 nang mamamahayag na pinatay ngayong taon, dagdag sa 26 na pinatay mula 2001 hanggang 2004.

Sa halos lahat ng kaso ng mga karumal-dumal na pagpaslang, palagiang direktang sangkot ang mga elemento ng militar o ang kanilang mga pinakakawalang *death squad* at grupong *vigilante*. Wala ni isa sa mga kasong ito ang nagawaran ng hustisya.

Tampok ang mga pangyayari sa Central Luzon (CL). Umabot na sa 41 katao ang pinaslang sa rehiyong ito. Sa unang hati ng taon, ang mga pagpatay ay pawang may kinalaman sa welga sa Hacienda Luisita sa Tarlac.

Nang malipat bilang pinuno ng 7th Infantry Division sa CL si Maj.

Gen. Jovito Palparan Jr. nitong Setyembre, biglang dumami ang bilang ng pagpaslang at kumalat ito sa iba pang prubinsya. Sa unang dalawang buwan pa lamang ni Palparan, 19 ang agad na pinaslang sa CL. Noong Oktubre 26 at 27, lima ang pinatay ng mga bayarang berdugo ni Palparan sa Bulacan, Tarlac at Pampanga sa loob lamang ng 20 oras.

Sa Eastern Visayas (EV), sa ilalim ng pamumuno rito ni Palparan bilang hepe ng 8th Infantry Division, 36 ang pinatay mula Pebrero hanggang Agosto (karamihan, kasapi ng Bayan Muna).

Sa lahat ng pinaslang sa buong bansa, anim ang dinukot muna bago pinatay. Isang napakabrutalna kaso ang pagpaslang sa mag-asawang Marivel at Danilo Supeña. Apat na buwang buntis ang dating lider ng League of Filipino Students ng Central Luzon State University na si Marivel. Dinukot ang mag-asawa noong Oktubre 26 ng anim na armadong lalaking naka-*combat boots* at naka-*bonnet*. Natagpuan noong Nobyembre 20 ang kanilang mga bangkay na nakasilid sa mga sako.

Apatnapu't isa ang dinukot at dinatagpuan ngayong taon. Tatlumpu't isang kaso o mahigit kalahati rito ay naganap sa EV noong nakadestino roon si Palparan. Kaugnay nito, kinasuhan sa Ombudsman nitong Disyembre 5 si Palparan ng mga paglabag sa karapatang-tao. Isinampa ang kaso ni Rep. Satur Ocampo ng Bayan Muna alinsunod sa mga testimonya ng mga biktima sa CL, EV at Mindoro kung saan siya nakadestino mula 2001 hanggang 2004. Iginiit din ni Ocampo na suspendihin si Palparan habang iniimbesti-





gahan siya.

Umaabot na sa 149 ang dinukot at nawala mula nang manungkulan si Arroyo.

Nagkaroon ng pitong kaso ng masaker ng mga inosenteng sibil-yan ngayong 2005. Karamihan sa mga biktima ay mga magsasakang kasapi ng mga progresibong organisasyon o partido pulitikal. Pinakahuli ang karumal-dumal na pagpatay sa sampung magsasaka at pagkasugat ng 30 pa sa Palo, Leyte noong Nobyembre 21.

Nagkaroon din ng 52 biktima ng bigong pagpatay na pawang nakaranas ng malulubhang tama ng bala at *trauma*.

Militarisasyon sa kanayunan.

Sa ngalan ng “gera kontra-terorismo” o mga operasyong “*counter-insurgency*,” laganap ang paglabag sa karapatang-tao ng mamamayan. Ibayong tumindi ang militarisasyon sa mga eryang pinaniniwalaan ng militar na malakas ang Bagong Hukbong Bayan, Moro National Liberation Front (MNLF) at Moro Islamic Liberation Front (MILF). Gayundin, matindi ang militarisasyon sa mga lugar kung saan may malakas at malawak na pagtutol sa pagpasok ng malalaking kumpanya sa pagmimina at pagtotroso. Nagaganap din ang mga kaso ng paglabag sa karapatang-tao sa mga baryo kung saan pumapasok ang Reengineered Special Operation Teams (RSOT) ng AFP.

Isinadokumento ng KARAPATAN ang 23 kaso ng paggamit sa mga eskwelahan bilang kampo o temporaryong detatsment ng mga nag-ooperasyong militar. Nakaapekto ito sa 2,703 indibidwal at 484 na pamilya sa apat na komunidad.

Mayroon ding 15 kaso ng istraping, walang pakundangang pagpa-

paputok at pambobomba na bumiktima ng 29,191 indibidwal o 5,210 pamilya sa 36 na komunidad.

Ang pinakamaraming biktima ng pagpaslang, pwersahang pagkawala, sapilitang pagpapalikas, pambobomba at pagpapaputok, tortyur, pananakot at pagnanakaw sa mga ari-arian ay naganap sa pinakamilitarisadong mga lugar sa bansa.

Matindi ang sinapit ng mga taga-Sulu sa mga operasyong militar laban sa MNLF, noong Pebrero at muli, nitong Nobyembre.

Marami ang mga inosenteng napatay o nasugatan sa mamamayan doon at napinsala sa mga ari-arian nila dahil sa paghuhulog ng mga bomba at panganganyon. Walang anumang pagtatangi ang mga militar sa mga sibilyan at sa mga armado. Sadya ring sinisira ng militar ang pinagkukunan ng tubig at mga eskwelahan doon upang lalong pahirapan at takutin ang mamamayan sa pagsuporta sa MNLF.

Sa loob lamang ng unang tatlong buwan ni General Palparan sa EV, libu-libong magsasaka ang sapilitang napalikas mula sa 21 baryo sa mga bayan pa lamang ng Samar at nawalan ng kabuhayan at mga ari-arian dulot ng walang tigil na militarisasyon, pagbobomba, pagmamalupit at pananakot sa taumbaryo.

Pagsupil sa kalayaang sibil. Sa sobrang takot ni Arroyo na mapatalsik sa pamamagitan ng kilusang masa, pinaiiral niya ang mapanupil na mga batas at patakarang

Ginagamit niya ang Batas Pambansa 880 (na binuo pa sa panahon ng diktadurang Marcos) upang ipatupad ang patakarang “*no permit, no rally*.” Pinairal simula noong Setyembre ang patakarang

“*calibrated preemptive response*” na nagbunga ng mararahas na pagbuwag sa mga rali. Ginawang “*no rally zone*” ang paligid ng Malakanyang pati na ang Mendiola para ipagbawal ang mga rali sa mga lugar na ito na istorikal na pinagda-rausan ng mga protesta ng mamamayan.

Ang mga kalahok sa Citizens’ Congress for Truth and Accountability (CCTA) na dumidinig ng mga testimonya at ebidensya laban sa mga pandaraya sa eleksyon, paglabag sa mga karapatang-tao at katiwalian ni Arroyo ay pinagbantaan ding kakasuhan ng sedisyon.

Para pigilin ang pag-iimbestiga ng Kongreso sa mga upisyal ng guberno at pinunong militar na sangkot sa mga katiwalian at busalan ang mga nais tumestigo laban kay Arroyo, naglabas ang Malakanyang ng Executive Order 464 na nagbabawal sa kanila na dumalo sa mga pagdinig sa Kongreso “kung walang tahasang pagsang-ayon ang Presidente.”

Tungo sa pagpapataw ng di deklaradong batas militar ni Arroyo, patuloy na itinutulak ng rehimen ang EO 420 para sa pagpapatupad ng National ID System, ang Anti-Terrorism Bill na pinapaspasan para maisabatas sa susunod na taon at isang binubuong EO para sa deklarasyon ng *emergency rule*.

Detenidong pulitikal. Patuloy na dumarami ang mga bilanggong pulitikal. Kabilang dito ang mga organisador sa mga komunidad, magsasaka, manggagawa, kababaihan at mga bata. Sa ngayon, mayroong 285 bilanggong pulitikal—18 sa mga ito, menor de edad. Kabilang sa kanila ang mga magsasakang nakipaglaban para sa kanilang karapatan sa lupa, mga pinagsususpetsahang kasapi ng BHB, MNLF at MILF o di kaya’y mga tagasuporta nila. Karamihan sa kanila ay iligal na inaresto. AB





Masaker sa Palo, Leyte

Sampu ang napatay at 30 ang nasugatan nang pagbabarilin ng 20 tropa ng 19th IB ang isang grupo ng mga magsasaka sa San Agustin, Palo, Leyte noong Nobyembre 21. Walo pa ang iligal na inaresto at ikinulong sa Palo Municipal Jail.

Noong umaga ng Nobyembre 21, naghahanda ang mga magsasaka sa sama-samang pagbubungkal ng lupa. Inianunsyo nila ito sa mga kanugnog na barangay at nag-imbita ng mga kagawad ng mas-midya upang idokumento ang kanilang pagkilos. Lahat-lahat ay 46 katao ang nakatipon noon para sa aktibidad.

Tahimik at kampante silang nagkakape nang bigla na lamang silang hagisan ng mga granada at pagbabarilin ng mga pasistang tropa ng AFP. Kabilang sa agad na napatay ang isang lola at isang pitong-buwang buntis na ginang. Ang mga nagsipagtakbo ay hinabol ng putok. Ang mga sugatan ay pinagsisisipa pa ng mga pasista.

Upang palabasing ang mga napatay ay mga kasapi ng Bagong Hukbong Bayan, nagtanim ng mga luma at sirang paltik at desabog, isang M16 at mga "subersibong dokumento" ang mga sundalo sa tabi ng mga bangkay. Ang mga ito ang pinalalabas ng AFP na umano'y ebidensya na mga gerilya ng BHB ang mga nakatipon doon.

Pinabulaanan ni Richard Margallo, isa sa mga nakaligtas sa masaker at upisyal ng konseho ng barangay, ang paratang ng militar na sila'y kasapi ng BHB. Sa pagtestigo niya sa Citizens' Congress for Truth and Accountability (CCTA) noong Nobyembre 23, sinabi ni Margallo na wala silang ibang dala kundi mga itak at tatlong *hand tractor*.

Ang sampung minasaker ay pa-

wang mga magsasakang myembro ng San Agustin Farmer Beneficiaries Multipurpose Cooperative (SAFaBeMCo) na noo'y nagsasagawa ng pagtitipon kaugnay ng kanilang programang "Balik Umá" (Balik Sakahan). Ang "Balik Uma" ay bahagi ng kanilang pakikibaka para sa lupa at puspusan nilang isinusulong sa tulong ng Alang-alang Small Farmers Association (ASFA), partidong Bayan Muna at mga tagapagtaguyod ng karapatang-tao mula sa Concerned Citizens for Justice and Peace (CCJP). Layunin nilang mapayapa at sama-samang balikan ang lupang matagal nang kinamkam ni Pedro Margallo, isang lokal na panginoong maylupa. Inangkin ni Margallo ang lupa kahit pa nakaklasipika itong lupang pampubliko at kahit pa matagal nang nagbubungkal doon ang mga magsasaka. Kinilala maging ng Department of Agrarian Reform ang karapatan ng mga magsasaka sa lupa. Tulad ng inaasahan, mariing tinutulan ni Margallo ang paggigiit ng mga magsasaka.

Ang Masaker sa Palo ang pangalawang masaker na isinagawa ng 19th IB sa Leyte. Ang 19th IB din ang nasa likod ng Masaker sa Kananga, kung saan anim na sibilyan at tatlong *hors de combat* na mga Pulang mandirigma ang tinortyur at pinagpapatay noong



Abril 16, 2003 sa Kananga, Leyte. Hindi pa naparurusahan ang mga upisyal at mga elementong responsable rito.

Sa gitna ng patuloy na pasistang karahasan ng rehimeng US-Arroyo, nananawagan ang lahat ng biktima ng pasistang karahasan at buong mamamayan ng EV na arestuhin, usigin at parusahan ang mga upisyal at sundalong nasa likod ng masaker sa Kananga at Palo. Umaalingawngaw ang kanilang sigaw: Palayasin ang 19th IB! Palayasin ang buong 8th ID na pasimuno ng lahat ng pasistang krimen sa rehiyon!

Umani rin ng mariing pagbatikos ang AFP at rehimeng Arroyo mula sa mga progresibong organisasyon at mamamayan, mga mamamahayag at maging sa ilan nilang kakampi. Agad na nagtawag ng imbestigasyon ang mga progresibong kongresista sa kahindik-hindik na krimen ng AFP.

Mariing kinundena ng Partido Komunista ng Pilipinas ang masaker. Nagpahayag din ang National Democratic Front-Eastern Visayas (NDF-EV) ng labis na pagkasuklam at galit sa pinakahuling krimeng ito ng AFP.

AB

Militarisasyon sa Baybay, Leyte

Isang buwan nang pineperwisyo ng imatitinding operasyong militar ng 43rd IB ang mamamayan sa Baybay, Leyte. Mahigit 500 mamamayan ang nagsilikas sa Barangay Plaridel at Barangay Maslog, Baybay, Leyte noong Nobyembre 1-2, nang guluhin ng mga operasyong militar ang paggunita ng mamamayan ng tradisyon ng Araw ng mga Patay.

Sa katunayan, nasa sementeryo noong Nobyembre 1 ang mga residente ng dalawang sityo ng Barangay Plaridel at isang sityo ng Barangay Maslog nang sumiklab ang labanan sa pagitan ng mga pasistang tropa at mga Pulang mandirigma ng Mt. Amandewin Command.

Dahil sa takot sa walang pakundangang pagpapaputok ng mga sundalo, lumikas ang 91 pamilya tungo sa sentro ng barangay. Kinabukasan, di na mabilang ang mga nagsilikas mula sa Barangay Maslog dahil nagsipuntahan sila sa iba't ibang lugar pagkatapos mabulabog ng patuloy na pasistang operasyon.

Noon namang Nobyembre 12, binugbog ng mga sundalo ng 43rd IB sina Borian Limgas, Jimmy Alkosada at Manvin Managbanag ng Barangay Igang at pilit na pinaaaming sila'y mga kasapi o tagasupporta ng BHB. Binugbog din sina Alfredo Tenarlo at Pablo Barrientos noong Nobyembre 18.

Tuluy-tuloy ang panggigipit ng militar sa mga magsasaka. Mahigpit nilang minamanmanan ang kilos ng mga magbubukid bawat araw, kaya kahit nagtatrabaho, napipilitang magdala ang mga magsasaka ng dokumentong nagpapatunay sa kanilang paninirahan sa baryo.

Binatikos at nanawagan ng imbestigasyon sa naturang mga abuso ang Sangguniang Panlalawigan ng Leyte. AB



MATATAGUMPAY NA OPENSIBA NG BHB

Mga opensiba sa Camarines Sur, Compostela Valley at Kalinga



Siya na pwersa ng kaaway ang napatay at anim ang nasugatan sa tatlong magkakahiwalay na opensibang inilunsad ng mga gerilya ng Bagong Hukbong Bayan (BHB) nitong Nobyembre at Disyembre sa Camarines Sur, Compostela Valley at Kalinga. Labing-isa ring armas na iba't ibang kalibre ang nasamsam.

Sa Camarines Sur, sinalakay ng BHB ang detatsment ng Philippine National Police sa Barangay San Miguel, Bato bandang 12:40 ng madaling araw nitong Disyembre 5. Nagapi ng BHB ang mga pulis at nasamsam nila mula sa detatsment ang anim na M16 at tatlong pistola pagkatapos ng ilang minutong labanan. Napatay ang timlider ng detatsment na si SP03 Elmer Cangayo. Tatlo pang pulis ang nasugatan.

Sa Compostela Valley, tatlong elemento ng CAFGU ang napatay at tatlong iba pa ang nasugatan nang ambusin ng mga Pulang mandirigma sa ilalim ng Armando Dumandan Command (ADC) ng BHB sa Front 33 ng Southern Mindanao Region ang nagpapatrulyang mga elemento ng kaaway mula sa detatsment ng 72nd IB at CAFGU sa Barangay New Dalaguete, Montevista. Naganap ang limang-minutong labanan bandang alas-10 ng umaga. Dalawang M14 ang nakumpiska sa agad nagpulasang mga kaaway.

Sa Kalinga, tatlong sundalo ang napatay nang tambangan ng mga Pulang mandirigma ang nagpapatrulyang mga elemento ng 17th IB sa hangganan ng Barangay Apatan at Pinukpuk sa bayan ng Balbalan.

Bago ito, sinalakay din ng ADC noong Oktubre ang isang pangkat ng mga armadong anti-komunistang panatiko sa hangganan ng mga bayan ng Asuncion at Montevista na binuhay muli ng 72nd IB. Dalawang panatiko ang napatay sa opensiba.

Samantala, pinabulaanan din ng ADC sa isang pahayag ang ipinagkakalat ng AFP na mga gerilya ng BHB ang nangreyd sa outpost ng DENR noong Nobyembre 22 sa Barangay Logdeck, Montevista na ikinamatay ng dalawang sibilyan. Ayon sa inisyal na imbestigasyon ng ADC, isang magtotoso na galit sa korapsyon at ekstorsyon ng ilang tauhan ng DENR ang may kagagawan ng pagsalakay. Binigyang-diin ng ADC na pawang mga lehitimong target-militar lamang ang sinasalakay ng BHB, alinsunod sa CARHRIHL at mga pandaigdigang kasunduang pumapatungkol sa mga gera sibil. AB



Mga labanan sa Quezon

Di bababa sa 25 pulis at sundalo ang napatay at mahigit 40 iba pa ang nasugatan sa mga naganap na labanan sa Quezon mula noong Nobyembre 19.

Nobyembre 19, Sabado, Barangay Bataan, Sampaloc. Hinaras ng mga Pulang mandirigma ang pito-kataong yunit ng 76th IB na nagpapatrulya sa baryo.


Sa Barangay Labnig, Gumaca, isang elemento ng 76th IB ang napatay at tatlong iba pa ang nasugatan sa pagharas ng mga gerilya.

Nobyembre 20, Linggo, Barangay Lusacan, Tiaong. Alas 3:30 ng madaling araw nang sinita at kagyat na pinaputukan ng mga nagpapatrulyang pulis ang isang iskwad ng BHB na lulan ng isang sasakyan.

Lingid sa kaalaman ng mga pulis, bahagi lamang ang naturang iskwad ng isang malaking platon sa ilalim ng Apolonio Mendoza Command (AMC) na kagyat na nagmanioobra at nanlaban upang magdependa. Isang elemento ng Tiaong PNP ang namatay at apat na iba pa ang nasugatan sa labanang ito. Nakasamsam din dito ang BHB ng isang M16, isang kalibre .45 pistola at mga bala.

Bandang alas-5 ng hapon, matagumpay na nakapagdependa ang isang malaking platon ng AMC laban sa mga elemento ng 202nd Bde ng Philippine Army. Ayon sa ulat ng mga residente, anim na bangkay ng mga tropang militar ang kanilang hinakot.

Nobyembre 21, Lunes, hang-



ganan ng Barangay Lusacan at Barangay Anastacia, Tiaong. Ayon mismo sa pahayag ng mga upisyal-militar ng Southern Luzon Command (Solcom), tatlong sundalo ang napatay at siyam na iba pa ang nasugatan nang tambangan ng mga Pulang mandirigma ang mga elemento ng 2nd Infantry Division na tumutugis sa mga gerilya ng BHB bandang ala-5:30 ng hapon.

Nobyembre 22, Martes, hangganan ng Tiaong at Candelaria. Isang dagliang ambus ang inilunsad ng AMC laban sa mga elemento ng 2nd ID na nag-ooperasyon sa lugar bandang ala-5:30 ng hapon. Tumagal lamang nang ilang minuto ang putukan subalit di bababa sa tatlong militar ang kagyat na napaslang sa labanang ito. Nakalayo na ang mga Pulang mandirigma nang dumating ang sumaklong mga helikopter na naghulog ng mga bomba sa lugar na pinaglabanan.

Samantala, sa Barangay Nagsinamo, Lucban, tatlong elemento ng 1st IB ang napatay sa pangharas na inilunsad ng mga Pulang gerilya.

Nobyembre 23, Myerkules, Candelaria. Isang *misencounter* ang naganap sa pagitan ng mga elemento ng Philippine Army. Tumagal nang isang oras ang labanan ng mga militar sa kapwa militar.

Nobyembre 24, Huwebes, Barangay San Pedro, Lopez, Quezon. Hinaras ng mga Pulang mandirigma ng BHB-South Quezon ang Reengineered Special Operations Team ng 76th IB. Dalawang sundalo ang napatay at ilan pa ang nasugatan.

Samantala, isang *misencounter* at isang sagupaan sa pagitan ng BHB at AFP ang naganap muli sa Candelaria. Naganap ang *misencounter* sa pagitan ng mga elemento ng 202nd Bde. Bandang hatinggabi, nakasagupa naman ng mga Pulang mandirigma ang mga elemento ng AFP sa isang tsekpoynt sa Barangay Mangilag. Isang sundalo ang napatay dito at tatlong iba pa ang nasugatan.

Nobyembre 25, Byernes, Barangay Mabini, Mulanay. Dalawang elemento ng 74th IB ang napatay nang tambangan sila ng mga mandirigma ng Maria Theresa de Leon Command ng BHB-South Quezon. Isang kalibre .45 at isang



9 mm na pistola ang nakumpiska mula sa militar.

SA kanyang pahayag sa midya noong Disyembre 6, umabot lamang sa 18 sundalo at pulis na napatay at 35 nasugatan ang inaming kaswalti ng hepe ng Solcom na si Lt. Gen. Pedro Cabuay, Jr. sa mga labanan sa mga bayan ng Tiaong, Candelaria at Sariaya. Gumamit ang militar ng tropang laking brigada, malalakas na armas, APC, tangke at mga helikopter. Mismong mga heneral ng Solcom ang nagdirihe sa mga operasyong militar. Subalit magiting na binigo ng BHB ang kanilang pagsalakay.

Matinding demoralisasyon ang nilikha ng mga labanang ito sa hanay ng mga elemento ng 2nd ID. Patunay dito ang dalawang naganap na *misencounter* sa pagitan ng mga tropang militar noong Nobyembre 23 at 24 kung saan walang pakundangang nagpapatok ang takot na takot na mga sundalo sa kanilang kapwa sundalo. Ayon sa ulat ng mga residente, umabot sa anim na sundalo ang namatay sa dalawang *misencounter*.

Sa desperasyong kontrahin ang demoralisasyon, pinalalabas ni General Cabuay na sampung Pulang mandirigma ang namatay sa mga sagupaan. Kinailangan pa nilang ianunsyo ang pagbibigay ng pabuyang P10,000 sa sinumang makapagtuturo ng bangkay ng sinumang gerilya ng BHB.

Dagdag pa sa mga ito ang mga kaswalti na natamo ng militar sa mga taktikal na opensibang inilunsad ng Maria Theresa de Leon Command noong Nobyembre 10, 16 at 20. AB

Ang pagbitag sa mga "hunter-killer" ng Panay

Tinambangan ng mga Pulang mandirigma sa ilalim ng Coronacion "Waling-waling" Chiva Command ng Bagong Hukbong Bayan (BHB) sa Panay ang ipinagmamayabang ng Armed Forces of the Philippines (AFP) na "hunter-killer" na yunit sa rehiyon—ang pinagsamang tropa ng 1st Scout Ranger Battalion (1st SRB) na pinamumunuan ni Lt. Col. Noel Buan at ng 47th IB na pinamumunuan ni Col. Mariano Perez, Jr.

Siyam ang kaagad na napatay at 23 ang nasugatan sa ambus na isinagawa sa Sityo Simadbad, Calinog, Iloilo noong gabi ng Nobyembre 19. Isa pang sundalong malubhang nasugatan ang namatay din kalaunan.

Samantala, wala ni isang Pulang mandirigma ang napatay o nasugatan man lamang. Habang isinasagawa ang "hot pursuit operations" ng mga tropa ng Task Force Panay (TFP), ligtas namang nagpapahinga ang yunit ng BHB. Narito ang ulat ng yunit:


Sapat na nakapaghanda ang BHB upang bigwasan ang mga tropa ng 1st SRB at 47th IB. Ilang buwang minanmanan at pinag-aralan ng BHB ang bawat kilos ng mga tropang nag-ooperasyon upang makabisa ito at matukoy ang pinakamahinang kawing nito. Kinabisa ng mga Pulang kumander at mandirigma ang bawat akyat-panaog at liku't ikot ng kalupaan upang maitakda ang mga lugar na pagdaraan ng taktikal na opensiba.

Alinsunod sa panawagang agawin ang inisyatiba, naglunsad ang BHB ng sunud-sunod na mga isnayping, harasment at pagpaparusa. Dahil dito, naging labis na

maingat ang kilos ng kaaway. Sumasakay ang kaaway hanggang sa isang lugar lamang at naglalakad at nagtatago sa mga gubat kung papalapit na sa mga lugar na pinagdududahan nilang may presensya ng BHB.

Gumagamit sila ng mga sibilang *asset* na nakamotorsiklo upang tiyaking "malinis" ang mga kalsadang kanilang daraanan at mga nakasibilyang militar na naglilibot sa lugar na kanilang papasukin. Madalas ang kanilang mga *road security patrol* sa mga lugar na dinaraan ng kanilang sasakyan at mga suplay. Pinatabas nila ang mga damo at kahoy sa magkabilang gilid ng mga kalsadang dinaraan nila papasok sa mga lugar na inooperasyon, at malakihan na ang kanilang pwersa kung nagpapakita sa mga tao.

Tinukoy ng mga kasama ang oras na pinakamababa ang pagkalerto ng tropa ng kaaway: gabi, marami silang magkakasama, at papauwi na sa kanilang k a m p o .





Ang lugar na pinili ay yaong hindi inaasahang maging *ambush site*: patag, walang mga kahoy na makukublian maliban sa maliit na tubuhang mga isandaang metro mula sa kalsada, at palaging nadaraan at nasusuyod.

Sa simula pa lamang ng operasyon ng kaaway ay masusi nang sumubaybay ang mga kasama at inihanda na ang lahat ng kailangan para maipagtagumpay ang ambus. Hindi sila makalapit sa *ambush site* kapag araw pa dahil napakahawan nito, kaya lahat ng paghahanda ay kinailangang gawin sa gabi. Ginawa ang lahat ng ito sa gitna pa ng operasyon ng kaaway. Nang papatapos na ang operasyon, sinagpang ng mga kasama ang napakaigsing oras mula takipsilim hanggang alas-otso ng gabi upang makapagmaniobra mula sa kanilang pwesto patungo sa *ambush site*.

Matapos mag-operasyon noong Nobyembre 19, pauwi sa kampo ang mga sundalong lulan ng tatlong sasakyan—isang Kennedy-type na dyip sa unahan, kasunod ang isang Isuzu Elf, at isang trak na M35 sa hulihan. Nakasakay dito ang halos isang kumpanya mula sa pinagsanib na tropa ng 1st SRB at 47th IB, malayong mas marami kaysa sa mga kasamang nakapakat para sa ambus.

Pinalampas ng mga kasama ang unang sasakyan at ginamit ang bagong gawang pampasabog upang puruhan ang Isuzu Elf kung saan nakasakay ang pinakamaraming pwersa ng Scout Ranger. Ang mga sundalong nasa hulihang trak ang puspusang nakipagputukan. Pero wala silang tinamaan kahit isang Pulang mandirigma. AB

Suntok sa buwan, suntok kay Buan

Labis na ipinagmamalaki ni Maj. Gen. Alphonsus Crucero, Lehepe ng 3rd Infantry Division (3rd ID) ng Philippine Army ang mga yunit na tinaguriang “hunter-killer” at ang “taktikang ranger” na operasyon nito. Aniya, ikinukubli ng makapal na

gubat ng rebolusyonaryong masa ang Pulang hukbo, kaya dapat umanong magpakahusay ang militar sa paghahanap (o pag-“hunting”) at pagpatay sa BHB.

Kapag naglulunsad ng operasyon ang mga yunit na “hunter-killer,” nagbubuo ito ng mga 15-18 kataong pangkat na di gaano malayo sa isa’t isa. Kumikilos ito sa gabi at nagpapakita na lamang kapag papabalik na sa kanilang kampong malapit sa sentrong bayan. Sakaling makaengkentro ito ng BHB, agad na aayuda ang mga mortar at 105mm *howitzer*, na dati nang nakatutok sa mga piling lugar, at ang mga helikopter na mabilisang magdadala ng dagdag na tropa.

Subalit hindi makapagtatago ang kaaway sa kagubatan ng masa na kanilang inaapi at pinagmamalupitan. Maging ang pinakasanay nilang mga tropa ay hindi makapangibabaw sa determinasyon at pagkakaisa ng rebolusyonaryong masa at ng kanilang hukbo. Kaya sa halip na kanilang makubkob ang hinahanap nilang “hayop sa kagubatan,” ang mga reaksyunaryong tropa ang nagmistulang mga hayop na nahulog sa sarili nilang bitag.

Taong 2001 pa sinimulan ng 3rd ID ang matindi at malawakang kampanyang militar sa kabundukan ng Tapaz, Jamindan at



Calinog, mga lugar na saklaw ng Central Front ng BHB sa Panay. Binuo ang Task Force Panay upang mamuno sa pagpapatupad ng kampanyang ito. Noong una’y isang taon lamang ang itinakda ng 3rd ID para sa kampanya nitong “ubusin ang BHB” sa Central Panay. Ngunit sa pagtatapos ng taong 2003, ilang araw bago ang pormal na pagtatapos ng programa na idineklara na nilang matagumpay, nilipol ng isang platoon ng BHB ang *control center* ng RSOT ng TFP sa Daan Sur, Tapaz, Capiz.

Ngayo’y apat na taon na ang matinding kampanyang militar na kinatatangian ng walang patlang na mga operasyong umaabot sa halos dalawang operasyong batalyon at apat na operasyong kumpanya bawat buwan. Kasangkot dito ang 12th IB, 47th IB, 32nd DRC, 33rd DRC, at nitong huli, ang 1st SRB na pinamumunuan ni Lt. Col. Noel Buan. Dinala sa Panay ang 1st SRB noong huling bahagi ng Setyembre 2005 upang pag-ibayuhin ang kampanyang ito sa huling kwarto ng taon. Ang 1st SRB, na may espesyal na pagsasanay, ay dati nang nakatalaga sa Sulu. Pagkatapos ay ginawa itong yunit panagupa o “*strike force*” ng buong Visayas Central Command ng AFP dahil umano sa mataas na antas ng

“Suntok...”, sundan sa pahina 10

Nagluluhang-buwaya ang AFP

Sabay-sabay na nagnganga-ngawa ang mga upisyal at tagapagsalita ng Armed Forces of the Philippines (AFP) para tuligsain ang umano'y paglabag ng Bagong Hukbong Bayan (BHB) sa internasyunal na batas sa digmaan nang pasabugan nito ng *land mine* ang komboy ng mga sasakyang militar sa Calinog, Iloilo noong Nobyembre 19.

Walang batayan ang mga atakeng ito ng AFP laban sa BHB. Binabaluktot ng kanilang mga upisyal at tagapagsalita ang laman ng mga internasyunal na batas sa desperadong tangkang dungisan ang BHB at makuha ang simpatya ng mamamayan.

Nagluluhang-buwaya ang mga pasista. Pinalalabas nilang kaawa-awa ang mga sundalo. Pilit nilang pinagtatakpan ang walang awa at walang kapararakang paggamit ng AFP ng napakalalakas na mga sandatang walang piling pumapatay, pumipinsala at naghahasik ng takot sa mamamayan. Kabilang sa malalakas na sandatang ito ang mga 105mm kanyong *howitzer*, mga *helicopter gunship* na armado ng mga *rocket* at *machine gun*, mga OV-10 *bomber*, mga tangke at "*armored personnel carrier*."

Sa kasalukuyan, kabilang ang mga sandatang ito sa ginagamit ng AFP sa mapanalantang kontrarebolusyonaryong kampanya ng



panunupil nito sa mga prubinsya ng Quezon, Leyte, Sulu, Aurora at iba pang lugar. Binibiktima nito pangunahin ang mga di armadong sibilyan, kanilang mga komunidad at bukirin. Nito lamang nagdaang tatlong buwan, umabot na sa 10,000 magsasaka sa Quezon at 7,000 pamilya sa Aurora, Leyte at Sulu ang napwersang lumikas mula sa kanilang mga tahanan dahil sa panganib na dulot ng malalakas na armas na ito na pawang itinututok ng AFP sa mga lugar ng konsentrasyon o kalapit ng konsentrasyon ng mga tao.

Tahasang nilalabag ng AFP ang internasyunal na makataong batas, pati na ang Comprehensive

Agreement on Respect for Human Rights and International Humanitarian Law (CARHRIHL) sa iresponsable, walang ingat at walang piling paggamit nito ng malalakas na bomba, *howitzer* at iba pang sandatang malawakang pumapatay at pumipinsala, nagsasapanganib sa buhay ng mamamayan at nangwawasak sa kanilang ari-arian at kabuhayan. Ilang milyon nang inosente at di armadong mamamayan laluna sa kanayunan ang napinsalaan at napalikas mula sa kani-kanilang komunidad at bukid dulot ng malupit at walang pakundangang paggamit ng AFP ng ganitong malalakas na sandata. **AB**

"Suntok...", mula sa pahina 9

pagsasanay nito. Sa Visayas, ipinakat muna ang 1st SRB sa Negros at Bohol, kung saan ito labis na kinamuhian ng mamamayan dahil sa pagyurak nito sa karapatang-tao.

Hindi nadurog ng mga yunit na ito ng kaaway ang Pulang hukbo.

Bagkus ay lalong naging matatag at umunlad ang kakayahan ng BHB sa pakikidigma. Ang malawak na baseng masa na nais limasin ng kaaway ay lalo pang lumalim at lumawak.

Suntok sa buwan ang pangarap ng 3rd ID na malilipol na nila sa paparating na taon ang BHB sa

Central Front ng Panay. Suntok sa buwan ang pangarap nilang durugin ang rebolusyonaryong kapasyahan ng masa at ng kanilang hukbong bayan. Noong gabi ng Nobyembre 19, ang mga "espesyal" na tropa ni Buan ang nakaranas na matinding dagok nang tambangan sila ng BHB. **AB**

Ang paggamit ng mga *land mine* ng hukbong bayan

Ang mga *land mine* ay ginagamit ng BHB bilang sandata sa pagsusulong ng armadong rebolusyon. Katulad ng iba pang mga armas ng BHB, ang paggamit nito ng mga *land mine* ay sadya at presisong nakatuon sa mga armadong pwersang militar ng reaksyunaryong gubyrerno, sa kaniyang mga tauhan, sasakyan at iba pang mga kagamitan. Ginagamit ang mga ito pangunahin sa mga taktikal na opensiba.

Itinuturing ng hukbo ang mga *land mine* bilang dagdag na sandata upang pangibabawan ang kakulangan at relatibong kahinaan ng mga sandata nito kumpara sa dami at lakas ng mga sandatang nasa kamay ng pasistang kaaway.

Ang mga patakaran ng BHB sa paggamit ng mga *land mine* ay pawang alinsunod sa mga umiiral na internasyunal na batas para sa makataong kondukta ng digmaan. Ang mga ito'y umaayon, sa partikular, sa mga probisyon ng Ottawa Treaty, na siyang tanging internasyunal na batas na pumapatungkol sa *land mine*. Ang Ottawa Treaty ay nagbabawal ng paggamit, produksyon at pag-iimbak ng mga "*anti-personnel mine*"—na tumutukoy sa bombang sumasabog kapag nagalaw o kahit malapitan lamang ng biktima. Partikular na layunin ng Ottawa Treaty ang wakasan ang mga pinsalang idinudulot sa mga sibilyan ng mga *land mine* na ibinaon at iresponsableng iniwan sa di markadong mga lugar. (Ang Ottawa Treaty, na pinirmahan sa Ottawa, Canada noong 1997 ay kinikilala ng gubyrerno ng Pilipinas. Tinatanggihan itong kilanlin ng US, Russia at China, na kabilang sa pinakamalalaking nagmamamupaktura ng *land mine*.)



Ang paggamit ng BHB sa anumang sandatang tangan nito ay taliwas sa paggamit ng AFP sa kaniyang mga armas. Maingat at responsableng ginagamit ng BHB ang mga *land mine* bilang lehitimong mga sandatang pandigma laban sa mga piling target militar. Ang paggamit ng BHB ng mga *land mine* ay katulad rin ng maingat at responsableng paggamit nito ng mga riple at iba pang maliliit na sandata nito. Bawat isa nito ay may tiyak na target. Depende sa target, sukat at katamtaman ang lakas ng bawat ipinapakat na *land mine*. Mahigpit na iniingatan at sinusubaybayan ang mga ito upang tiyaking hindi aksidenteng sasabog at makabibiktima ng mga sibilyan.

"*Command-detonated*" ang uri ng *land mine* na ginagamit ng BHB. Ang mga ito ay tuwirang kinontrol at pinasasabog lamang kapag ang partikular na target militar ay lumapit na. Matapos ibaon, masusing binabantayan ng mga mandirigma ng BHB ang mga *land mine*. Hindi sasabog ang mga ito kapag

natapakan, hinawakan ng tao o kahit daanan pa ng ibang sasakyan. Bukod sa tinitiyak na mayroong piling target ang mga ito, tinitiyak din na ang mga *land mine* ay may sapat lang na lakas at hindi magdudulot ng labis-labis na pinsala laban sa mga target nito. Kapag wala nang kagyat na target, ang mga ito ay kaagad na tinatanggal.

Patuloy na gagamitin ng BHB ang mga *land mine* bilang lehitimong sandatang pandigma. Sa paggamit ng mga ito at iba pang mga sandata, ang BHB ay mulat na ginagabayan ng mga internasyunal na batas at kumbensyon para sa sibilisadong kondukta ng digmaan. Kasabay nito, gagamitin ng BHB at mamamayang Pilipino ang lahat ng posible at pinahihintulutang armas, luma man o moderno, upang palakasin ang armadong rebolusyon. Habang sumusulong ang digmang bayan, darami pa ang mga uri at bilang ng armas na gagamitin ng mamamayan at ng kanilang hukbo upang puksain at lipulin ang kaaway.

AB

Patuloy ang panlilinlang at maniobra ng rehimeng Arroyo

Ang pagbabalik at pagsisinungaling ni Garci

Matapos ang halos limang buwang pagtatago, inilitaw na ng rehimeng Arroyo si dating COMELEC Commissioner Virgilio Garcillano nitong Nobyembre 27 para magkalat ng dagdag na kasinungalingan, linisin ang kanyang pangalan, at sa proeso, ang pangalan ng kanyang among si Gloria Arroyo. Sa pagpapalitaw kay Garcillano, tangka ni Arroyo na "isara" ang isyu ng "Hello Garci tapes" na patuloy na nagmumulto sa kanyang paghahari.

Ang paglalantad kay Garcillano ay bahagi lamang ng patuloy na pagtatangka ng rehimen na linlangin ang mamamayan at idiskaril ang kilusan sa pagpapataksik kay Arroyo.

Katulad ng inaasahan, ang ipinahayag niyang paninindigan ay walang pinagkaiba sa dati nang iginigiit na linyang "walang pandaraya" noong eleksiyong 2004. Kinumpirma ni Garcillano na nakausap niya si Gloria Arroyo ngunit aniya'y walang iligal o imoral tungkol dito. Walang kahihiyan niyang inilarawan ang sarili bilang biktima ng *wiretapping* sa desperasyong makakuha ng simpatya ng publiko. Ngunit kaagad rin niyang binawi ito sa pagsasabing hindi tunay ang mga *tapes* at ang mga ito ay pinutul-putol at minanipula para siraan siya at ibagsak si Arroyo. Ngayon pa lamang ay sinasabi na ng kanyang abugado na wala siyang anumang ilalahad tungkol sa Gloria-Garci *tape*.

Masahol pa, gustong gamitin ng rehimen ang mga pagdinig ng Kongreso para baligtarin ang sitwasyon at atakehin ang oposisyon sa pamamagitan ng mga bagong pagsisinungaling ni Garcillano.



Upang tabunan ang isyu ng pag-uusap nila ni Arroyo, ipinauna na niyang "isiswalat ang lahat ng pakikipag-usap niya sa marami pang pulitiko." Kabilang sa mga pinangalanan niya ay mga kongresistang nagpursige sa kasong *impeachment* laban kay Arroyo noong Setyembre. Maring pinabulaanan ng naturang mga kongresista ang mga paratang ni Garcillano.

Para balewalain ang testimonya ni Michaelangelo Zuce at Capt. Marlon Mendoza, mga nagsilbing opereytor ni Garcillano sa pandaraya, inakusahan din niyang nagsisinungaling ang mga ito at sa aktwal ay sila raw ang mga opereytor ng pandaraya sa Mindanao.

Binuhay ng paglalantad ni Garcillano ang imbestigasyon sa Kongreso at Senado at ang interes dito ng mamamayan. Ang tahasang pagsisinungaling na gagawin niya sa pagtestigo sa Kongreso ay tiyak na muling magpapasiklab ng galit at pagkilos ng mamamayan.

Naungkat din nito ang mga ginawang maniobra ng rehimen noong Hunyo upang itago siya sa

mata ng publiko. Nagkakabuhulbuhol ngayon ang iba't ibang kwentto ni Garcillano at ng rehimeng Arroyo kaugnay ng kanyang pagtatago nitong nakaraang mga buwan.

Bago lumantad si Garcillano, nabunyag na nakipagkita mu-na siya kay Mike Arroyo, ilang kongresista at lokal na upisyal na maka-Arroyo sa Zamboanga noong Nobyembre 23. Mismong sina Rep. Ronaldo Puno at Prospero Pichay, mga pangunahing opereytor ni Arroyo sa Kongreso, ang

naiulat na bumalangkas sa kanyang pahayag at nag-ayos ng kanyang pagharap sa ilang piling reporter. Sadyang itinaon ang kanyang paglalabas sa nakatakdang pagbubuod ng mga resulta ng Citizen's Congress for Truth and Accountability (CCTA).

Bago pa man nito ilitaw si Garcillano, tiniyak ng rehimen na napalitan na ng mga maka-Arroyong kongresista ang mga pamunuan ng mga komiteng nagsasagawa ng imbestigasyon. Ayon sa abugado ni Garcillano, sa Kongreso lamang haharap si Garcillano at hindi sa Senado kung saan hindi tiyak na papanigan siya ng mayorya ng mga senador.

Pagbalasa sa gabinete at pagtatalaga ng mga bagong upisyal

Bilang bahagi ng tuluy-tuloy na pagsisikap ni Arroyo na konsolidahin ang kanyang nilalamat na base ng kapangyarihan, binabalasa niya ngayon ang kanyang gabinete upang bigyan ng mas prominente at

"Garci...", sundan sa pahina 13

Abono sa kampanya ni Arroyo



"Ni isa sa mga magsasaka sa 64 na tsapter namin ay walang natanggap na kahit isang kusing mula sa mga pondong ito. Ang abono para sa magsasaka ay nagiging abono para sa kampanya (ng administrasyon) noong eleksyon." Ito ang pahayag ni Danilo Ramos, lider ng Kilusang Magbubukid ng Pilipinas, nang tumestigo siya sa pagdinig ng Senado at sa pagdinig din ng Citizens' Congress for Truth and Acco-

untability (CCTA) pagkatapos. Nabunyag sa pagdinig ng Senado at CCTA na halos lahat ng ₱2.8 bilyong pondo para sa Ginintuang Masaganang Ani (GMA), isa umanong programa para sa pagpapaunlad ng agrikultura at libreng pamamahagi ng abono sa mga magsasaka na pinangasiwaan ng Department of Agriculture (DA), ay di nila natanggap sa anyo man ng salapi, abono o anupaman. Sa halip, napasakamay ng mga punong opereytor, tagapamahala sa kampanya at mga kaalyadong kongresman at lokal

"Abono...", sundan sa pahina 14

"Garci...", mula sa pahina 12

makapangyarihang mga pwesto ang pinakatapat at kapaki-pakinabang niyang mga alipures.

Itinalaga ni Arroyo nitong Disyembre 3 sa Office of the Ombudsman si Merceditas Gutierrez, dating punong abogado ng Malakanyang at kilalang malapit na kaibigan at tagasuporta ng pamilyang Arroyo. Pinalitan niya si Simeon Marcelo bilang *ombudsman* matapos magbitiw sa pwesto si Marcelo noong nakaraang buwan. Nagbitiw si Marcelo matapos niyang tanggihan ang utos ni Arroyo na aregluhin ang kasong korapsyon na nakasampa laban kay dating Justice Secretary Hernando Perez.

Bago ito, nagbuo si Arroyo ng bagong upisina na ang tanging trabaho ay pabanguhin siya sa publiko, pagtakpan ang kanyang mga kahinaan at ipagpilitan ang kanyang mga kontra-mamamayang patakaran sa pamamagitan ng mga "kampanyang impormasyon". Binansagan itong Presidential Communications Group at itinakdang mangangasiwa sa lahat ng mga pakikipag-ugnayan ng rehimen sa

midya at publiko. Itinalagang pinuno nito si Sec. Ignacio Bunye, dating Press Secretary, at pinaglaanan ng napakalaking pondo.

Binabalak ni Arroyo na ipwesto sa Department of Interior and Local Government (DILG) si Rep. Ronaldo Puno. Si Puno ang itinuturing na utak at *political strategist* ni Arroyo noong eleksyon at nitong huli, sa pagmamaniobra upang patayin ang kasong *impeachment* sa Kongreso. Direkta niyang hawak ang pondong panuhol sa mga lokal na upisyal kung kaya ang pagkakatalaga niya sa DILG ay magpopormalisa lamang sa dati na niyang papel bilang "tagaareglo" sa mga lokal na guberno at upisyal. Gayundin, si Puno ang kinikilalang tagapangasiwa ng maruruming taktika para sa rehimen, katuwang ni Mike Arroyo at Sec. Gabriel Claudio.

Tuluy-tuloy na mga pagkilos

Noong Nobyembre 25, naglunsad ang White Ribbon Movement ng misa sa loob ng San Miguel Church malapit sa Malakanyang bilang direktang hamon sa pagbabawal ni Arroyo ng anumang pagtitipon sa paligid ng palasyo. Umabot sa 500

dumalo sa misa ang nagmartsa palabas ng simbahan kung saan sumalubong ang ilang libo pang mga aktibista at mamamayan. Kaagad na pinigilan at pinaligiran ng mga elemento ng Presidential Security Group ang mga nagmarmartsa.

Nitong Nobyembre 30, kasabay ng pagbubunyi sa ika-142 anibersaryo ng kapanganakan ni Andres Bonifacio, nagsagawa ng pagkilos ang libu-libong manggagawa sa Plaza Miranda upang ipanawagan ang pagtataas ng sahod at pagpapataalsik kay Arroyo.

Samantala, idineklara na ng Black and White Movement (BWM) nitong Disyembre 1 na ikakampanya na nito ang sabayang pagpapataalsik kina Arroyo at Bise Presidente Noli de Castro. Ito'y matapos balewalain ni de Castro ang taning na ibinigay sa kanya ng BWM na talikuran ang rehimen kapalit ng pagtanggap sa kanya bilang lehitimong kapalit ni Arroyo. Ang BMW ay grupo ng mga panggitnang pwersang pinangungunahan ng mga nagbitiw na upisyal ng rehimen tulad ni dating Social Welfare Secretary Dinky Soliman. **AB**

na upisyal ni Arroyo ang pondo noong panahon ng eleksyon.

Ayon sa Commission on Audit (COA), 104 na kongresista, 46 na gobernador at 34 na meyor ang tumanggap ng pondo. Garapal ang katiwalian dito dahil pati mga upisyal sa mga distrito sa mga lunsod na wala namang lupang agrikultural tulad ng mga syudad sa Metro Manila ay nakatanggap umano ng pondo para sa abono. Mariing pinabulaanan ng mga kongresista rito na nakatanggap sila ng gayong pondo.

Ayon din sa COA, ang aktwal na natapos lamang nilang maawdit ay mga pondong ibinigay sa Bicol at Central Visayas. Ang karamihan sa mga ipinamahaging pondo ay hindi na nila naawdit dahil dumaan ang mga ito sa 15 pribadong "NGO" (mga *"non-governmental organization,"* na ginagamit ng Malakanyang para pamprente sa mga katiwalian) na hindi na nila saklaw. Mahigit P120 bilyon ang dumaan sa mga "NGO" na ito. Ilan dito ang Gabay Masa Development Foundation Inc., Peoples' Organization for Progress and Development Foundation Inc. (POPDFI), Magsasaka Foundation

Inc., Philippine Social Development Foundation, Inc., Matatag Na Republika Cooperative, Ikaw at Ako Foundation—mga bogus na organisasyong itinayo ni National Security Adviser Norberto Gonzales para lamang gawing daluyan ng malalaking kulimbat na pondo ng gubyerno.

Lahat ng rehiyon at lunsod na ipinailalim sa awditing ay tumatanggi na may natanggap silang pondong nakaulat na napunta sa kanila para sa abono at idinaan sa naturang mga "NGO."

Bukod sa malalaking halagang hindi maipaliwanag kung saan napunta ang kalakhan at kung saan kakaunti lamang ang abonong nabili, nabunyag namang may minimum na 30% komisyon (may ibang humingi pa ng 75%) para sa mga kongresman mula sa mga tagasuplay ng abono. Sobrasobra rin ang patong sa presyo ng mga biniling abono (minimum na 800% hanggang 1,300% o mahigit pa) at katiting kundi man walang abonong naipamahagi sa mga magsasaka.

May mga huwad na ulat na naglilista ng mga di kapani-paniwalang nagsuplay ng abono, tulad ng isang maliit na tindahan ng gulay sa palengke sa Kalookan City

na umano'y nagsuplay ng abono para sa Eastern Samar. Marami ring huwad na ulat na naglilista ng mga nabigyan umano ng abono na hindi totoong naipamahagi. May mga kaso pa na ang abonong umano'y ipinamahagi sa mga magsasaka ng palay ay nararapat lamang para sa mga dapog (*orchids*).

Pangunahing direktang kasangkot sa kaso ng anomalya sa abono si DA Undersecretary Jocelyn "Jocjoc" Bolante na agarang pinatalilis ng Malakanyang para hindi maimbestigahan ng Senado. Si Bolante ay kilalang malapit na tauhan ni Mike Arroyo. Samantala, hindi rin nagpapakita sa imbestigasyon sa Senado ang dating kalihim ng DA na si Cito Lorenzo na nagbigay ng awtorisasyon kay Bolante.

Sa testimonya ng nagbitiw na Budget Secretary Emilia Boncodin, minadali ni Arroyo ang pag-aaprubang at pagbibigay ng pondo para sa abono kahit hindi pa kumpleto ang mga papeles para sa mga ito. Hindi rin nasunod ang mga proseso sa paglalabas ng pondo sa mga upisyal kaya mahirap tukuyin ang mga sinasabing organisasyon ng mga magsasaka na nakakuha ng abono o pondo. **AB**

Paglilista ng EU sa PKP at BHB sa talaan ng mga terorista, binatikos ng NDFP

BINATIKOS ng National Democratic Front of the Philippines (NDFP) ang Council of the European Union (CEU) sa anito'y di makatarungan at malisyosong pagbilang muli sa Partido Komunista ng Pilipinas (PKP), Bagong Hukbong Bayan (BHB) at *senior political consultant* ng NDFP na si Jose Maria Sison sa talaan ng mga "terorista." Sa isang pahayag nitong Disyembre 3, sinabi rin ni Luis Jalandoni, tagapangulo ng NDFP Negotiating Panel na ang hakbang ng CEU ay panghi-

himasok sa panloob na usapin ng Pilipinas.

Dagdag pa niya, ang paglilista ay taliwas sa mga prinsipyong nakasaad sa 1977 Protocol I Additional to the 1949 Geneva Conventions, 1948 Universal Declaration of Human Rights at sa 1966 International Covenant on Civil and Political Rights. Nilalabag din nito ang 1950 European Convention for the Protection of Human Rights and Fundamental Freedoms, ang 1957 Refugee Conventions at

ang 2000 Charter of Fundamental Rights of the European Union.

Inilinaw ni Jalandoni na ang rebolusyonaryong kilusang pinamumunuan ng PKP ay isang pambansang kilusang mapagpalaya at ang paggamit nito ng armadong pwersa para magkamit ng mga pampulitikang layunin ay kinikilalang lehitimo sa internasyunal na batas. Kung gayon, ani Jalandoni, hindi dapat ihanay ang PKP, BHB at si Kasamang Sison sa "mga terorista." **AB**


**ANG****Bayan**

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Taon XXXVI Blg. 23
Disyembre 7, 2005
www.philippinerevolution.org

Editorial

Labanan ang walang lubay na pandarahas ng rehimeng Arroyo



Walang lubay ang pandarahas ng pasistang halimaw na si Gloria Arroyo. Sa dami, dalas at brutalidad ng mga pamamaslang sa mga lider at myembro ng mga progresibong organisasyon

at sa lawak at tindi ng paglapastangan sa karapatang-tao ng ordinaryong mamamayan, pinairal niya ang lagim ng di deklaradong batas militar. Sinusupil ang anumang pagtutol sa kanyang paghahari, at anumang paggigiit ng karapatan sa harap ng mapaniil na mga patakaran ay nilulupig ng kamay na bakal.

Mistulang buhay ang kinamumuhing pasistang diktador na si Marcos sa katauhan ni Arroyo. Kung tutuusin, halos nahigitan na ng huwad na presidente ang yumaong diktador sa kalupitan.

Sa ilalim ng diktadurang Marcos, napuno ang mga piitan ng libu-libong bilanggong pulitikal. Sa ilalim ng rehimeng Arroyo, marami pa rin ang ikinukulong, subalit mas marami ang walang-habas na pinapaslang.

Tila "huwag kumuha ng bihag!" ang patakaran ni Arroyo sa paglipol sa itinatuturing niyang mga "kaaway." Pinatatakbo ng AFP ang mga *death squad* sa iba't ibang panig ng bansa at kinakasangkapan ang mga ito sa kampanya ng pampulitikang asasinasyon.

Ang mga pamamaslang at panggigipit sa mga sibilyan ay karaniwang ganti ng AFP at PNP sa mga pinsalang natatamo nila sa kamay ng BHB at sa kabiguan nilang magapi ang hukbong bayan. Sa sobrang kahihiyan at kainutulan, itinutuon ng AFP at

**Mga tampok
sa isyung ito...**

Ulat hinggil sa paglabag
sa karapatang-tao
PAHINA 3

Mga labanan
sa Quezon
PAHINA 7

Ang paggamit ng *land
mine* ng hukbong
bayan
PAHINA 11

Mga instruksyon sa paglilimbag

1. Ang **sinundang pahina**, na eksaktong kopya ng pahina 1 maliban sa mas mapusyaw ang *masthead* o *logo* ay para sa mga gumagamit ng *mimeo machine* o naglilimbag sa paraang *v-type*. Idinisenyo ito para hindi madaling makasira ng istensil.

2. Pag-*print* sa istensil:

- a) Sa *print dialog*, i-check ang **Print as image**
- b) Alisin ang *check* sa **Shrink oversized pages to paper size**
- k) I-click ang **Properties**
- d) I-click ang **Advanced**
- e) Tiyaking naka-set sa **100%** ang **Scaling**
- d) Ituloy ang pag-*print*

3. Hinihikayat ang mga kasama na ipaabot sa patnugutan ng *AB* ang anumang problema kaugnay ng paglilimbag sa pamamagitan ng *v-type*. Magpadala ng *email* sa angbayan@yahoo.com